

In Laudibus Commem.
SS. Primi et Feliciani. 762.

DIE XV. JUNII.
S. Germanæ Cousin
Virginis.

Duplex, sed ad modum
Simplicis recolendum.

Ad j. Vesp. Añā. Veni
sponsa Christi, accipe co-
ronam, quam tibi Dóminus
præparávit in ætérnum,
allelúia. ✠. Spécie tua.

Oratio.

DEus humílium celsi-
túdo, qui beatam Ger-
mánam Virgínam tuam
caritátis et paciéntiæ de-
córe excellere disposuisti:
ejus méritis et intercessió-
ne concéde; ut crucem jú-
giter feréntes, te semper
diligere valeámus. Per Dó-
minum nostrum.

Ad Laudes, Añā. Símile
est regnum cœlórum hó-
mini negotiátóri quærén-
ti bonas margarítas: in-
vénta una pretiósā, dedit
omnia sua, et comparávit
eam, allelúia. ✠. Diffúsa.

Ad ij. Vesp. Añā. Veni
sponsa Christi, accipe co-
ronam, quam tibi Dómi-
nus præparávit in ætér-
num, allelúia. ✠. Diffúsa.

DIE XVI. JUNII.

S. Joannis Francisci
Regis Conf.

Duplex, sed ad modum
Simplicis recolendum.

Ad j. Vesp. Añā. Similá-
bo eum viro sapiénti, qui
ædificávit domum suam
supra petram, allelúia.

✠. Amávit eum.

Oratio.


DEus, qui ad plúrimos
pro salute animárum
perferéndos labóres beá-
tum Joánnem Franciscum
Confessórem tuum mirá-
bili caritáte et invicta pa-
tiéntia decorásti: concéde
propítius; ut ejus exem-
plis instrúcti, et interces-
sionibus adjúti, ætérnæ
vitæ præmia consequá-
mur. Per Dóminum.

Ad Laudes, Añā. Euge
serve bone et fidélis, quia
in pauca fuísti fidélis, su-
pra multa te constítuam,
intra in gáudium Dómini
tui, allelúia.

✠. Justum dedúxit.

Ad ij. Vesp. Añā. Hic
vir despiciens mundum et
terréna, triúmphans, divi-
tias cœlo cóndidit ore,
manu, allelúia.

✠. Justum dedúxit.



Praeparatio ad Missam.

Indulg. unius anni pro recitatione præter illam quinque Psalmorum
cum Versiculis et septem Orationibus annexis, Orationis S. Am-
brosii singulis hebdomadæ diebus assignata.

(Leo PP. XIII. 20 Dec. 1884.)

Antiphona.



ME reminiscáris
Dómine delicta
nostra, vel pa-
réntum nostró-
rum: neque vindictam
sumas de peccátis no-
stris.

Quæ Añā in Festis dupli-
cibus tantum duplicatur,
et tempore Pasch. additur
Allelúia.

Psalmus lxxxiij.



Quam dilécta taber-
nacula tua Dómi-
ne virtutum: *
concupiscit, et déficit áni-
ma mea in átria Dómini.

Cor meum, et caro mea *
exultavérunt in Deum
vivum.

Etenim passer invénit
sibi domum: * et turtur

nidum sibi, ubi ponat pul-
los suos.

Altária tua Dómine vir-
tutum: * Rex meus, et
Deus meus.

Beáti, qui hábitant in do-
mo tua Dómine: * in sae-
cula saeculórum laudá-
bunt te.

Beátus vir, cujus est au-
xilium abs te: * ascensió-
nes in corde suo dispósuit,
in valle lacrymárum in
loco, quem pósuit.

Etenim benedictiónem
dabit legislátor, ibunt de
virtúte in virtútem: * vi-
debitur Deus deórum in
Sion.

Dómine Deus virtutum
exáudi oratióem meam: *
áuribus pércipe Deus Ja-
cob.

Protéctor noster áspice

Deus : * et respice in faci-
ciem Christi tui :

Quia melior est dies una
in atriis tuis * super millia.

Elégi abjectus esse in do-
mo Dei mei : * magis quam
habitare in tabernaculis
peccatorum.

Quia misericordiam, et
veritatem diligit Deus : *
gratiam, et gloriam dabit
Dominus.

Non privabit bonis eos,
qui ambulant in innocen-
tia : * Domine virtutum,
beatus homo, qui sperat
in te.

Glória Patri. etc.

Psalmus lxxv.

Benedixisti Domine ter-
ram tuam : * aver-
tisti captivitatem Jacob.

Remisisti iniquitatem
plebis tuæ : * operuisti
omnia peccata eorum.

Mitigasti omnem iram
tuam : * avertisti ab ira
indignationis tuæ.

Convérte nos Deus salu-
táris noster : * et averte
iram tuam a nobis.

Numquid in ætérnum ira-
sceris nobis? * aut exten-
des iram tuam a genera-
tione in generationem?

Deus tu convérsus vivi-
ficabis nos : * et plebs tua
lætabitur in te.

Ostende nobis Domine

misericordiam tuam : * et
salutare tuum da nobis.

Audiam quid loquatur in
me Dominus Deus : * quoniam
loquetur pacem in
plebem suam.

Et super sanctos suos : *
et in eos, qui convertuntur
ad cor.

Verumtamen prope ti-
mentes eum salutare
ipsius : * ut inhabitet gló-
ria in terra nostra.

Misericordia, et veritas
obviaverunt sibi : * justitia,
et pax osculatae sunt.

Veritas de terra orta est : *
et justitia de caelo pro-
spexit.

Etenim Dominus dabit
benignitatem : * et terra
nostra dabit fructum
suum.

Justitia ante eum ambu-
labit : * et ponet in via
gressus suos.

Glória Patri. etc.

Psalmus lxxv.

Inclina Domine aurem
tuam, et exaudi me : *
quoniam inops, et pauper
sum ego.

Custodi animam meam,
quoniam sanctus sum : *
salvum fac servum tuum,
Deus meus, sperantem
in te.

Miserere mei Domine,
quoniam ad te clamavi

tota die : * lætifica ani-
mam servi tui, quoniam
ad te Domine animam
meam levavi.

Quoniam tu Domine suá-
vis, et mitis : * et multæ
misericordiæ omnibus in-
vocantibus te.

Auribus percipe Domine
orationem meam : * et in-
tende voci deprecationis
meæ.

In die tribulationis meæ
clamavi ad te : * quia
exaudisti me.

Non est similis tui in diis
Domine : * et non est se-
cundum opera tua.

Omnes Gentes quascum-
que fecisti, venient, et ad-
orabunt coram te Domi-
ne : * et glorificabunt no-
men tuum.

Quoniam magnus es tu,
et faciens mirabilia : * tu
es Deus solus.

Deduc me Domine in
via tua, et ingrediar in
veritate tua : * lætetur
cor meum ut timeat no-
men tuum.

Confitebor tibi Domine
Deus meus in toto corde
meo, * et glorificabo no-
men tuum in ætérnum :

Quia misericordia tua
magna est super me : * et
eruisti animam meam ex
infernó inferióri.

Deus, iniqui insurrexé-
runt super me, et synagó-
ga potentium quæsierunt
animam meam : * et non
proposuerunt te in conspé-
ctu suo.

Et tu Domine Deus mi-
serator et misericors, * pá-
tiens, et multæ misericór-
diæ, et verax,

Respice in me, et mise-
rere mei : * da impérium
tuum púero tuo : et sal-
vum fac filium ancillæ
tuæ.

Fac mecum signum in
bonum, ut videant qui odé-
runt me, et confundán-
tur : * quoniam tu Domine
adjuvisti me, et consolá-
tus es me.

Glória Patri. etc.

Psalmus cxv.

Credidi, propter quod
locutus sum : * ego
autem humiliatus sum ni-
mis.

Ego dixi in excessu
meo : * Omnis homo men-
dax.

Quid retribuam Dómi-
no, * pro omnibus, quæ
retribuit mihi?

Cálicem salutáris acci-
piam : * et nomen Dómini
invocabo.

Vota mea Dómino red-
dam coram omni pópulo
ejus : * pretiósá in conspé-

etu Dómini mors sanctórum ejus :

O Dómine quia ego servus tuus : * ego servus tuus, et filius ancillæ tuæ.

Dirupisti víncula mea : * tibi sacrificábo hóstiam laudis, et nomen Dómini invocábo.

Vota mea Dómino reddam in conspéctu omnis pópuli ejus : * in átriis domus Dómini, in médio tui Jérusalem.

Glória Patri. etc.

Psalmus cxxix.

DE profúndis clamávi ad te Dómine : * Dómine exáudi vocem meam.

Fiant aures tuæ intendentes, * in vocem deprecationis meæ.

Si iniquitátes observáveris Dómine : * Dómine quis sustinébit ?

Quia apud te propitiatio est : * et propter legem tuam sustínui te Dómine.

Sustínuit ánima mea in verbo ejus : * sperávit ánima mea in Dómino.

A custódia matutina usque ad noctem : * speret Israel in Dómino.

Quia apud Dóminum misericórdia : * et copiósa apud eum redemptio.

Et ipse redimet Israel, * ex ómnibus iniquitatibus ejus.

Glória Patri. etc.

Postea repetitur Añã. Ne reminiscáris Dómine delicta nostra, vel paréntum nostrórum : neque vindictam sumas de peccátis nostris. (T. P. Allelúia.)

Deinde Sacerdos dicit :

Kyrie eléison. Christe eléison. Kyrie eléison.

Pater noster.

V. Et ne nos indúcas in tentatiónem. **R.** Sed libera nos a malo.

V. Ego dixi, Dómine miserere mei. **R.** Sana animam meam, quia peccávi tibi.

V. Convertere Dómine aliquántulum. **R.** Et deprecáre super servos tuos.

V. Fiat misericórdia tua Dñe super nos. **R.** Quem ádmodum sperávimus in te.

V. Sacerdótes tui induántur justítiam. **R.** Et sancti tui exsúltent.

V. Ab occúltis meis munda me Dómine. **R.** Et ab aliénis parce servo tuo.

V. Dómine exáudi oratiónem meam. **R.** Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Aures tuæ pietátis, mitíssime Deus, inclína précibus nostris, et grátia sancti Spíritus illúmina cor nostrum : ut tuis mystériis digne ministráre, teque æterna caritáte diligere mereámur.

Deus, cui omne cor patet, et omnis voluntas lóquitur, et quem nulum latet secrétum, purifica per infusiónem sancti Spíritus cogitatiónes cordis nostri : ut te perfécte diligere, et digne laudáre mereámur.

URE igne sancti Spíritus renes nostros et cor nostrum Dómine : ut tibi casto corpore serviámus, et mundo corde placeámus.

Mentes nostras, quæsumus Dómine, Paráclitus, qui a te procedit, illúminet : et indúcat in omnem, sicut tuus promissit Fílius, veritátem.

Adsit nobis, quæsumus Dómine, virtus Spíritus sancti : quæ et corda nostra cleménter expúrget, et ab ómnibus tueátur advérsis.

Deus, qui corda fílium sancti Spíritus illustratióne docuisti : da nobis in eódem Spíritu recta sápere, et de ejus semper consolatióne gaudére.

Consciéntias nostras, quæsumus Dómine, visitádo purifica : ut véniens Dóminus noster Jesus Christus Fílius tuus, parátam sibi in nobis invéniat mansiónem. Qui tecum vivit et regnat.

Orationes

PER SINGULOS HEBDOMADÆ
DIES DISPERTITÆ.

DIE DOMINICA.

Summe Sacérdos, et vere Póntifex Jesu Christe, qui te obtulisti Deo Patri hóstiam puram et immaculátam in ara crucis pro nobis miseris et peccatóribus, et qui dedisti nobis carnem tuam ad manducándum, et sánguinem tuum ad bibéndum, et posuisti mystérium istud in virtúte Spíritus sancti tui, dicens : Hæc quotiescúmque feceritis, in mei memóriam faciétis : rogo per eúmdem sánguinem tuum, magnum salútis nostræ prætium, rogo per hanc mi-

ram et ineffabilem caritatem, qua nos miseros et indignos sic amare dignatus es, ut lavares nos a peccatis nostris in sanguine tuo : doce me servum tuum indignum, quem inter cetera dona tua etiam ad officium sacerdotale vocare dignatus es, nullis meis meritis, sed sola dignatione misericordiae tuae : doce me, quaeso, per Spiritum sanctum tuum, tantum tractare mysterium ea reverentia et honore, ea devotione et timore, quibus oportet et decet. Fac me per gratiam tuam semper illud de tanto mysterio credere et intelligere, sentire et firmiter tenere, dicere et cogitare, quod tibi placet, et expedit animae meae. Intret spiritus tuus bonus in cor meum, qui sonet ibi sine sono, et sine strepitu verborum loquatur omnem veritatem. Profunda quippe sunt nimis, et sacro tecta velamine. Propter magnam clementiam tuam concede mihi Missarum solennia mundo corde et pura mente celebrare. Libera cor meum ab immundis et nefandis, vanis et noxiis cogitatio-

nibus. Muni me beatorum Angelorum pia et fida custodia, ac tutela fortissima, ut hostes omnium bonorum confusi discendant. Per virtutem tanti mysterii, et per manum sancti Angeli tui repelle a me, et a cunctis servis tuis durissimum spiritum superbiae et cenodoxiae, invidiae et blasphemiae, fornicationis et immunditiae, dubietatis et diffidentiae. Confundantur qui nos persequuntur: pereant illi qui nos perdere festinant.

FERIA II.

REX virginum, et amator castitatis et integritatis, caelesti rore benedictionis tuae exstingue in corpore meo fomitem ardentis libidinis: ut maneat in me tenor castitatis corporis et animae. Mortifica in membris meis carnis stimulos omnesque libidinosas commotiones, et da mihi veram, et perpetuam castitatem, cum ceteris donis tuis, quae tibi placent in veritate: ut sacrificium laudis casto corpore, et mundo corde valeam tibi offerre. Quanta enim cordis contritione, et lacrymarum fonte, quanta re-

verentia et tremore, quanta corporis castitate, et animae puritate istud divinum, et caeleste sacrificium est celebrandum, ubi caro tua in veritate sumitur, ubi sanguis tuus in veritate bibitur, ubi ima summis, terrena divinis junguntur, ubi adest sanctorum Angelorum praesentia, ubi tu es Sacrificium, et Sacerdos mirabiliter, et ineffabiliter constitutus.

FERIA III.

Quis digne hoc celebrare poterit, nisi tu, Deus omnipotens, offerentem feceris dignum? Scio, Domine, et vere scio, et id ipsum pietati tuae confiteor, quia non sum dignus accedere ad tantum mysterium, propter nimia peccata mea, et infinitas negligentias meas. Sed scio, et veraciter ex toto corde meo credo, et ore confiteor, quia tu potes me facere dignum, qui solus potes facere mundum de immundo conceptum semine, et de peccatoribus justos, et sanctos. Per hanc omnipotentiam tuam te rogo, Deus meus, ut concedas mihi peccatori hoc sacrificium celebrare cum

timore et tremore, cum cordis puritate, et lacrymarum fonte, cum laetitia spiritali et caelesti gaudio. Sentiat mens mea dulcedinem beatissimae praesentiae tuae et excubias sanctorum Angelorum tuorum in circuitu meo.

FERIA IV.

EGO enim Domine, memor venerandae passionis tuae accedo ad altare tuum, licet peccator, ut offeram tibi sacrificium, quod tu instituisti, et offerri praecipisti in commemorationem tui, pro salute nostra. Suscipe illud, quaeso, summe Deus, pro Ecclesia sancta tua, et pro populo, quem acquisisti sanguine tuo. Et quoniam me peccatorem inter te, et eundem populum tuum medium esse voluisti, licet in me aliquid boni operis testimonium non agnoscas, officium saltem dispensationis creditae non recuses: nec per me indignum eorum salutis pereat pretium, pro quibus victima salutaris dignatus es esse, et redemptio. Profero etiam Domine, (si digneris propitius intueri,) tribulationes plerimum, pericula populorum,

captivorum gemitus, miserias orphanorum, necessitates peregrinorum, inopiam debiliū, desperationes languentium, defectus senum, suspiria juvenum, vota virginum, lamenta viduarum.

FERIA V.

TU enim misereris omnium Domine : et nihil odisti eorum quæ fecisti. Memorare quæ sit nostra substantia : quia tu Pater noster es, quia tu Deus noster es, ne irascaris satis, neque multitudinem viscerum tuorum super nos contineas. Non enim in justificationibus nostris prosternimus preces ante faciem tuam, sed in miserationibus tuis multis. Aufer a nobis iniquitates nostras : et ignem sancti Spiritus in nobis clementer accende. Aufer cor lapideum de carne nostra ; et da nobis cor carneum, quod te amet, te diligat, te delectetur, te sequatur, te perfruatur. Oramus Domine clementiam tuam, ut sereno vultu familiam tuam, sacri tui nominis officia præstolantem, aspicerere digneris : et ut nullius sit irritum votum, nullius vacua po-

stulatio, tu nobis preces suggerere, quas ipse propitius audire, et exaudire delecteris.

FERIA VI.

ROgamus etiam te, Domine sancte Pater, et pro spiritibus fidelium defunctorum : ut sit illis salus, sanitas, gaudium, et refrigerium, hoc magnum pietatissimum sacramentum. Domine Deus meus, sit illis hodie magnum, et plenum convivium de te pane vivo, qui de coelo descendisti, et das vitam mundo, de tua carne sancta, et benedicta, Agni videlicet immaculati, qui tollis peccata mundi, quæ de sancto et glorioso beate Virginis Mariæ utero est assumpta, et de Spiritu sancto concepta, ac de illo pietatis fonte, qui per lanceam militis ex tuo sacratissimo latere emanavit, ut exinde refecti, et satiati, refrigerent in laude, et gloria tua. Peto clementiam tuam Domine, ut descendat super panem tibi sacrificandum plenitudo tuæ benedictionis, et sanctificatio tuæ divinitatis. Descendat etiam Domine illa sancti Spiritus tui invisibilis, in-

comprehensibilisque majestas, sicut quondam in Patrum hostias descendebat, qui et oblationes nostras corpus et sanguinem tuum efficiat, et me indignum sacerdotem doceat tantum tractare mysterium cum cordis puritate, et lacrymarum devotione, cum reverentia, et tremore, ita ut placide, ac benigne suscipias sacrificium de manibus meis ad salutem omnium, tam vivorum, quam defunctorum.

SABBATO.

ROgo etiam te Domine per ipsum sacrosanctum mysterium corporis et sanguinis tui, quo quotidie in Ecclesia tua pascemur, et potamur, abluimur, et sanctificamur, atque unius summæ divinitatis participes efficiamur : da mihi virtutes tuas sanctas, quibus repleretur, bona conscientia ad altare tuum accedam, ita ut hæc cœlestia sacramenta efficiantur mihi salus, et vita. Tu enim dixisti ore tuo sancto, et benedicto : Panis, quem ego dabo, caro mea est pro mundi vita. Ego sum panis vivus qui de coelo descendi. Si quis manducaverit ex hoc pane, vi-

vet in æternum. Panis dulcissime, sana palatum cordis mei, ut sentiam suavitatem amoris tui. Sana illud ab omni languore, ut nullam præter te sentiam dulcedinem. Panis candidissime, habens omnem delectamentum, et omnem saporem, qui nos semper reficis, et nunquam in te deficis : comedat te cor meum, et dulcedine saporis tui replentur viscera animæ meæ. Manducat te Angelus ore pleno ; manducet te peregrinus homo pro modulo suo, ne deficere possit in via, tali recreatus viatico. Panis sancte, panis vive, panis munde, qui descendisti de coelo, et das vitam mundo, veni in cor meum, et munda me ab omni inquinamento carnis et spiritus. Intra in animam meam, sana et munda me interius et exterius. Esto tutamen, et continua salus animæ et corporis mei. Repelle a me insidiantes mihi hostes : recedant procul a præsentia potentiae tuæ, ut foris et intus per te munitus, recto tramite ad tuum regnum perveniam : ubi non in mysteriis, sicut in hoc tempore

ágitur, sed fácie ad fáciem te vidébitus, cum tradideris regnum Deo et Patri, et eris Deus ómnia in ómnibus. Tunc enim me de te satiábis satietáte mirífica, ita ut nec esúriam, nec sítiam in ætérnum. Qui cum eódem Deo Patre, et Spíritu sancto vivis et regnas per ómnia sæcula sæculórum. Amen.

Oratio S. Ambrosii.

Indulgentia 100 dierum. -- Leo PP. XIII. 20 Dec. 1884.

AD mensam dulcissimi convivii tui, pie Dómine Jesu Christe, ego peccátor de própriis méritis nihil præsumens, sed de tua confidens misericórdia et bonitate, accédere véreor et contremisco. Nam cor et corpus hábeo multis criminibus maculátum, mentem et linguam non caute custodítam. Ergo, o pia Déitas, o treménda Majéstas, ego miser inter angústias deprehénsus, ad te fontem misericórdiæ recúrro, ad te festíno sanándus, sub tuam protectiónem fúgio : et quem júdicem sustinére néqueo, salvatórem hábere suspiro. Tibi Dómine plagas meas osténdo :

tibi verecúndiam meam détego. Scio peccáta mea multa et magna, pro quibus tímeo. Spero in misericórdias tuas, quarum non est númerus. Réspice ergo in me óculis misericórdiæ tuæ, Dómine Jesu Christe, Rex ætérne, Deus et homo, crucifixus propter hóminem. Exáudi me sperántem in te : misérere mei pleni misériis et peccátis, tu qui fontem miseratiónis nunquam manáre cessábis. Salve salutáris víctima, pro me et omni humáno genere in patíbulo crucis obláta. Salve nóbilis et pretiósus sanguis, de vulnéribus crucifixi Dómini mei Jesu Christi prófluens, et peccáta totíus mundi ábluens. Recordáre Dómine creatúræ tuæ, quam tuo sanguíne redemísti. Pœnitet me peccásse, cúpio emendáre quod feci. Aufer ergo a me, clementissime Pater, omnes iniquitates et peccáta mea : ut purificátus mente et corpore digne degustáre mérear Sancta sanctorum : et concéde, ut hæc sancta prælibátio corpóris et sanguínis tui, quam ego indignus súmeré inténdo, sit peccátorum

meórum remissio, sit delictórum perfécta purgátio, sit túrpium cogitátionum effugátio, ac bonórum sénsuum regenerátio, operúmque tibi placéntium salúbris effícacia, animæ quoque et corpóris contra inimicórum meórum insídias firmíssima tuítio. Amen.

Oratio S. Thomae Aquinatis.

Indulgentia 100 dierum. -- Leo PP. XIII. 20 Dec. 1884.

OMnipotens sempitérne Deus, ecce accédo ad sacraméntum unigéniti Fílii tui Dómini nostri Jesu Christi : accédo tamquam infirmus ad medicum vitæ, immúndus ad fontem misericórdiæ, cæcus ad lumen claritátis ætérnæ, pauper et egénus ad Dóminum cœli et terræ. Rogo ergo imménsæ largitátis tuæ abundántiam, quátenuis meam curáre dignéris infirmitátem, laváre fœditátem, illumináre cæcitatém, ditáre paupertátem, vestíre nuditatém : ut panem Angelórum, Regem regum, et Dóminum dominántium tanta suscipiam reveréntia et humilitáte, tanta contritióne et devotióne,

tanta puritáte et fide, tali propósito et intentiône, sicut expedit salutí animæ meæ. Da mihi, quæso, Dóminici corpóris et sanguínis non solum suscipere sacraméntum, sed étiam rem et virtutém sacraménti. O mitíssime Deus, da mihi corpus unigéniti Fílii tui Dómini nostri Jesu Christi, quod traxit de Vírgine María, sic suscipere, ut corpóris suo mystico mérear incorporári, et inter ejus membra connumerári. O amantíssime Pater, concéde mihi diléctum Fílium tuum, quem nunc velátum in via suscipere propóno, reveláta tandem fácie perpétuo contemplári. Qui tecum vivit et regnat in unitáte Spíritus sancti Deus, per ómnia sæcula sæculórum. **℟.** Amen.

Alia Oratio.

DEus, qui de indignis dignos facis, et de peccátoribus justos, et de immúndis mundos, munda cor et corpus meum ab omni contagióne et sorde peccáti, et fac me dignum atque strénuum sanctis altáribus tuis ministrum : concéde propítium, ut in hoc altári, ad quod indí-

gnus accedo, hóstias acceptábiles atque placábiles offeram pietáti tuæ pro peccátis et offensióibus, innumerisque et quotidíanis excéssibus meis, atque cunctórum simul Christianórum culpis abluendis, et per eum sit tibi votum meum acceptábile, qui se tibi Deo Patri pro nobis obtulit sacrificium. Qui tecum vivit et regnat in unitate Spíritus sancti Deus : per ómnia sæcula sæculórum. Amen.

Oratio ad B. V. Mariam.

Indulgentia 100 dierum. — Leo PP. XIII. 17 Febr. 1883.

O Mater pietátis et misericórdiæ, beatíssima Virgo María, ego miser et indignus peccátor ad te confúgio toto corde et afféctu; et precor pietátem tuam, ut sicut dulcíssimo Fílio tuo in cruce pendénti astitisti, ita et mihi misero peccátóri, et sacerdotibus ómnibus hic et in tota sancta Ecclesia hódie offeréntibus, cleménter assístere dignéris, ut tua grátia adjúti, dignam et acceptábilem hóstiam in conspéctu summæ et indivíduæ Trinitátis offerre valeámus. Amen.

Oratio ad S. Joseph.

Indulgentia 100 dierum. — Pius PP. IX. 4 Febr. 1877.

O Felicem virum beátum Joseph, cui datum est, Deum, quem multi reges voluerunt vidére, et non vidérunt, audíre, et non audierunt : non solum vidére et audíre, sed portáre, deosculáři, vestíre et custodíre!

V. Ora pro nobis, beáte Joseph. **R.** Ut digni efficiámur promissionibus Christi.

Orémus.

Deus, qui dedísti nobis regále sacerdotium, præsta quæsumus, ut sicut beátus Joseph unigénitum Fílium tuum natum ex María Virgine, suis mánibus reverénter tractáre méruit et portáre, ita nos fácias cum cordis mundítia et óperis innocéntia tuis sanctis altáribus deservíre, ut sacrosánctum Fílii tui corpus et sánguinem hódie digne sumámus, et in futuro sæculo præmium habere mereámur ætérnum. Per eúdem Christum Dóminum nostrum. Amen.



Oratio ad omnes Angelos et Sanctos.

Indulgentia 100 dierum. — Leo PP. XIII. 20 Dec. 1884.

Angeli, Archángeli, Throni, Dominatiónes, Principátus, Potestátes, Virtútes cœlórum, Chérubim atque Séraphim, omnes Sancti et Sanctæ Dei, præsertim Patróni mei, intercédere dignémini pro me, ut hoc sacrificium Deo omnipoténti digne valeam offerre, ad laudem et glóriam nóminis sui, et ad utilitátem meam, totiúsque Ecclesiæ suæ sanctæ. Amen.

Oratio ad Sanctum in cujus honorem Missa celebratur.

Indulgentia 100 dierum. — Leo PP. XIII. 20 Dec. 1884.

O Sancte **N.** ecce ego miser peccátor de tuis méritis confisus, offerre nuncinténdo sacratíssimo Sacraméntum corpóris et sánguinis Dómini nostri Jesu Christi pro tuo honóre et glória : precor te humiliter et devóte, ut pro me hódie intercédere dignéris, ut tantum sacrifi-

cium digne et acceptábiler offerre valeam, et eum tecum, et cum ómnibus eléctis ejus æternáliter laudáre, atque cum eo semper regnáre valeam. Qui vivit et regnat in sæcula sæculórum. Amen.

Formula intentionis ante Missam.

Indulgentia 50 dierum. — Gregorius PP. XIII.

EGO volo celebráre Missam, et conficere corpus et sánguinem Dómini nostri Jesu Christi, juxta ritum sanctæ Románæ Ecclesiæ, ad laudem omnipoténtis Dei, totiúsque cúriæ triumphántis, ad utilitátem meam, totiúsque cúriæ militántis, pro ómnibus, qui se commendavérunt orationibus meis in género, et in spécie, ac pro felici statu sanctæ Románæ Ecclesiæ. Amen.

Audium cum pace, emendatióem vitæ, spátium veræ pœnitentiæ, grátiam, et consolatióem sancti Spíritus, perseverántiam in bonis opéribus, tríbuat nobis omnipotens et misericors Dóminus. Amen.

